



# ATASSUT INATSIARTUNI

---

ATASSUT

UKA 2013/77-1

Gerhardt Petersen

03.10.2013

**Aningaasaateqarfimmi aningaasat katersat ileqqaakkallu erniaat taamaallaat atorpeqarsinnaaneri siunertaralugu Aatsitassarsiornermi Aningaasaateqarfik pillugu Inatsisartut inatsisaannut nr. 6, 5. december 2008-meersumut allannguutissamik saqqummiussinissaannik Naalakkersuisut peqquneqarnissaannut Inatsisartut aalajangiiffigisassaattut siunnersuut.**

(Inatsisartunut ilaasortaq Naaja Nathanielsen, Inuit Ataqtigiit)

Aatsitassarsiornermi Aningaasaateqarfik pillugu Inatsisartut inatsisaata allanngortinneqarnissaanik, taamaalillunilu aningaasat katersat ileqqaakkallu erniaat taamaallaat atorpeqarsinnaanngorlugit sukaterisoqarnissamik siunertaqarluni Inuit Ataqtigiit sinnerlugit Inatsisartuni ilaasortaq Naaja Nathanielsen matumani siunnersuuteqarpoq.

ATASSUT-mit tamakkiisumik peqataavugut Kalaallit Nunaata aatsitassarsiornermi aningaasaateqarfiata pilersinneqarnissaa siunertaralugu sulissutiginninnermi, aamma nuannaarutigeqaarput partiit tamatta aningaasaateqarfik taanna ilusilersoratsigu, aningaasammi aatsitassarsiornermit isertinneqarumaartussat aningaasaateqarfimmut illuartinneqartarnerisigut kinguaatta taakkulu kinguaarilerumaagaat eqqarsaatigalugit ileqqaarinnittoqartassammat taakkununnga iluaqutaasussamik.

Taamaattorli aamma aningaasat aningaasaateqarfimmi uninngasuutit ilaat atorlugit nunarput aatsitassarsiorfittut inerisarneqarsinnaaqqullugu aammalu ataavartumik iluaqutaasussanut aningaasaliisoqarsinnaaneranut aningaasaateqarfiup matuersaataa qissallanneqarsinnaanngorlugu inatsit sanarfisaavoq, tamannalu ATASSUT-mit naammagisimaarparput.



## ATASSUT INATSISARTUNI

---

Aningaasaateqarfiup malittarisassai sukannersorujussuupput, aningaasat tassaniittut nakkutigineqaqqissaartussaapput aammalu sukkulluunniit aningaasaateqarfimmit nunatta karsianut illuartitsisoqassappat periaatsit sukannersut atorlugit aatsaat tamanna pisinnaassasoq tamatta nalunngilarput.

Taamaammat Aningaasarsiornermut Siunnersuisooqatigiit sukaterisoqarnissamik ujartuinerat naalaannassagutsigu immitsinnut nikeriartissinnaajunnaarluta inissittoorsinnaavugut, tamannalu inuiaqatigiittut aningaasarsiornikkut immitsinnut napatilerumanitsinnut aammalu namminiilivinnissatsinnut aqutissiuussiniarnitsinnut tamanna naapertuunnaviannngilaq.

ATASSUT-mit toqqissisimassutigaarput aningaasat aningaasaateqarfimmiilerumaartut nalinginnaq atorpeqarsinnaajunnaarsarlugit sukannersumik aammali ineriartornissatsinnut periarfissiisumik aaqqissugaammat.

Taamatut oqaaseqarluta, Naalackersuisullu akissutaat ersarisoq innersuussutigalugu ATASSUT-mit inassutigissavarput siunnersuut taamak isikkoqarluni itigartinneqassasoq.